

INUIT ATAQATIGIIT

Inatsisartuni



25. juli 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1) Kommune Kujalliup, INI A/S-p Naalackersuisullu suleqatigiissutigisaat innuttaasunik akiitsulinnik siunnersuinikkut ineqarnermut akiitsunik akilersuilernissamik siunertalik qanoq ingerlava?**
- 2) Misileraalluni ingerlatsinermi suut anguneqarpat, innuttaasut siunnersorneqarnermikkut akilersuisalersut qanoq amerlatigippat, suullu suliniummi iluatsilluartutut nalilerneqarpat?**

(Inatsisartunut ilaasortaq Sara Olsvig, Inuit Ataqatigiit)

Tungavilersuut:

Innuttaasut katillugit pisortanut akiitsoqarnerat annertusoq eqqartorneqartuarpoq akiitsullu annertuseqqiissimanerat isumakulunnartuulluni. Innuttaasut akiitsulli qanimut suleqatigalugit siunnersorlugillu periuseqarnissaq Inuit Ataqatigiinnit ukiuni arlaqartuni ujartorsimavarput nuannaarutigarpullu Inatsisartutigoortumik 2015-mi akiitsulinnut siunnersuisarfimmik peqalernissamik siunertalimmik akiitsoqarnek pillugu nassuiaasioqqusinerput tungavigalugu nassuiaammik naammassinnittoqarnikummat. Suliali tassunga uninnginnissaa pingaarutipparpur killiffillu paaserusullutigu.

Ullut suliffiusut qulit qaangiutsinnagit akineqarsimanissarpur kissaatigaara.